

## 盛橋里志卷之五

### 選 舉 志 科 貢 廩 生 附 貢 諸 生 附 仕 進 公 職

國家設科取士，孰不奮志功名？吾鄉自分縣以來，登賢書者一人，選明經者二人，其餘僅博青衿，科第寥寥，未由仕進，然稽諸元世，莫謂無人焉。洎乎清季廢科舉而行選舉，或為鄉董，或為鄉佐以及議長、議員，皆有辦公之職焉。

### 科 貢

#### 舉人

**李 索** 字天佑。居元號十圖施家宅。清雍正十年壬子中。有傳。

#### 貢生

**申志剛** 字宗繼，號醉霞。居元號十一圖。道光十二年壬辰歲貢。有傳。

**趙 壺** 字星五，號瑜生。居元號十二圖。光緒十七年

辛卯恩貢。有傳。

庠 生康生、附貢附

道光三年分廠以前歷年久遠，僅于《月補志》中錄出，無泛細查，不無闕誤。

李 素 康熙五十七年謝學院履厚歲入府庠。首題心廣體胖，次題伊尹耕于有莘之野二句。詳《舉人》。

金 選 易名朱華。居元號十圖。乾隆十九年夢學院麟歲入。首題席也皆坐，次題捫縷儀席以為食。

陸廷簡 字觀陽。居元號十二圖。同案。

汪廷楫 字良選。居元號十一圖。乾隆三十年梁學院國治科入。文題文王以百里，詩題振衣千仞岡，得衣字。

楊天錫 字洪九。居元號十二圖。同案。有傳。

王化行 字大倫。居有號七圖。乾隆四十一年謝學院塘科入。文題景春曰公孫衍，詩題入學鼓篋，得師字。

汪 仁 字育萬。居元號十一圖。乾隆四十六年彭學院元瑞歲入。文題侍坐，詩題瓜祭上環，得橫字。

汪元度 字御天，號樸庵。居元號十一圖。乾隆四十九年謝學院塘歲入。文題景春曰。有傳。

杜鵬飛 字雲瞻。居元號十二圖。乾隆五十六年胡學院高望科入。首題上如揖二句，次題謂其臺三句。

錢 澍 字汝霖。居盛橋。乾隆五十九年胡科入。首題子夏之門人二句，次題故人樂有賢父兄也，詩題上天同雲，得年字。有傳。

王 鏗 字睿英，號史齋。居有號七圖。嘉慶元年劉學院權之歲入。首題冉子為其母請粟，次題又尚論古之人二句，

詩題桃花枝映李花枝，得和字。

汪汝照 字鏡南，號閩仙。元度子。嘉慶八年平學院恩科入。首題侍食于君君祭，次題地不改闢矣二句，詩題本仁以聚之，得仁字。

申志剛 嘉慶十三年萬學院承風歲入。首題生乎今之世，次題世子自楚反，詩題寸陰是競，得陰字。十七年文寧科補廩。

嚴洲 字瞻泱，號瀛仙。嘉慶十四年玉學院麟科入。首題直哉史魚二句，次題孟子之平陸，詩題清風一席，得舟字。有傳。

李全善 字望山，號肯愚。居元號十一圖。嘉慶十七年文學院寧科入。首題語小至魚躍於淵，次題如披其久也，詩題飛雲如醴，得祥字。

趙世亨 字若愚，號曉霞。居元號十二圖。嘉慶二十二年湯學院金劍歲入。首題仁之實，次題孟子居鄒一節，詩題並坐不橫肱，得妨字。有傳。

趙國鈞 字秉成。居元號十二圖。道光七年辛學院從益科入。首題下馬者，次題諸侯之實三，詩題長者薰香一架書，得薰字。有傳。

王吉士 字蔚霞，號小齋。鑑子。道光十五年興學院守正歲入。首題舉而不能先，次題地道敏樹，詩題春雨如膏，得豐字。

錢選青 字星聚，號埽苔。居元號十二圖。同案。有傳。

陳球 字鳴歧，號少塘。居元號十圖。道光十六年興科入。首題此莫非王事二句，次題梓道輪輿能與人規矩，詩題

心與浮雲閒，得閒字。

申爾和 字槐卿。志剛子。道光二十二年毛學院式部科入。首題子子，次題定四海之民，詩題善問者如攻堅木，得堅字。

王之弼 字贊工，號子霖。居元號十二圖。道光二十四年張學院芾歲入。首題子欲往佛胖章，次題則農有餘粟，詩題雨後有人耕綠野，得耕字。

王 俊 字樹德，號馨甫。居元號十圖。道光二十七年李學院璜歲入。首題木訥，次題金聲，詩題濯足扶桑，得整字。有傳。

曹文雄 字蓮舟。咸豐九年孫學院葆元歲入。首題棄棄棄損矣，次題學問之道無他二句，詩題白雲依靜渚，得雲字。有傳。

楊桂林 字蘭生。同案。有傳。

金曰籍 字酉生。居元號十圖。咸豐十年孫科入。首題好勇不好學，次題則天下之農二句，詩題花冷不開心，得心字。

錢慶梅 字右箴。樹孫。同治五年鮑學院源深補乙丑歲案。首題所謂平天下，次題則可謂雲爾已矣，詩題如氣之秋，得清字。

趙 奎 同案。評《貢生》。光緒七年黃體芳科補廩。

王朝綱 字翼卿。之弼長子。同治七年童學院華歲入。首題武王曰予，次題仁則榮，詩題溪畔印沙多鶴跡，得溪字。

李德彰 字子祥。居問號八圖。同案。

錢兆祥 字尊棣。居元號十二圖。童歲補丙寅科案。

金瑞書 字擬芹。居元號十二圖。同治十三年林學院天

齡歲入。首題伊尹相湯，次題其如有容焉三句，詩題棲鳳難爲條，得棲字。例貢。

楊濟時 字恂如。桂林長子。光緒元年林科入。首題不忘遠周公，次題仁者愛人二句，詩題木落又添山一峯，得添字。

趙作渚 字仰泉。居元號十二圖。同案。

趙同福 字梅生。居問號八圖。光緒四年林科入。首題時靡有爭至不怒，次題然則子非食志也，詩題種樹如種德，得如字。例貢。

楊逢時 字吉甫。桂林次子。同案。

錢曰浩 字蓮塘。居盛橋。同案。

王文炳 字藹人。居元號十二圖。光緒七年黃學院體芳科入。首題五霸者，次題一日克己復禮，詩題水懦民玩，得寬字。有傳。

曹毓麟 字面卿。居元號十圖。光緒十五年楊學院頭歲入。首題子聞之曰公叔文子章，次題子聞之曰成事三句，詩題十日春寒不出門，得寒字。

王朝紀 字燮卿。之弼次子。光緒十六年楊科入。首題使有菽粟，次題闢如登高必自卑，詩題霜葉失故綠，得霜字。

趙堡 字傳巖。奎弟。光緒二十一年龍學院湛霖歲入。首題日省，次題由平陸之齊至夫子之任見季子，詩題庭院暖風花氣入，得花字。

嚴式善 字剛儒。居問號八圖。光緒二十五年瞿學院鴻禧科入。首題文王之德至純，次題咸以正無缺，詩題細考蟲魚賤（爾雅），得賤字。

按光緒三十一年八月，奉上諭停止歲科試及鄉會試，各省

一律興辦學堂，所有學政著管理學務聽督撫節制。

## 仕 進

### 元

嚴俶，黃窰里人。以曲出公薦官從事郎，出為平江副提舉，轉常州路錄事，以清介能敏稱。尋除興國路通山縣尹，治蹟為郡冠。晚年歸隱，自號存耕叟。子恭，字景安，才藻斐然，不樂仕進。嘗築室海上，號惜寸陰齋，以琴書自適。後避亂于青龍鎮之章堰。

嚴珍，字彥博。居黃窰里。父懋，忠翊校尉、慶元路同知、奉化州事。珍性孝友，侗儻有大志，交結四方知名士。及壯，遊京師，詣三公府上書論事，當軸奇之，辟為掾吏，參贊帷幄，以才敏稱。又奉檄賑田水澇，得其實，請蠲賦，民賴以全。丁外艱歸，以母瞿氏老不復有仕進意，有薦之者，珍堅卻之。尋卒，年五十七。有墓志銘，詳後《文徵》。以上均見《舊志》

## 公 職

清宣統二年三月自治公所選舉職員。

### 議員

楊逢時，字吉甫。居元號十二圓。年五十，得票三十二。

嚴鳳鍾，字桐生。居問號八圓。年六十三，得票二十。

孫餘慶，字裕功。居元號十圓。年三十七，得票十七。後任縣議員，升參事員。

嚴式曾，字似豐。居問號八圓。年三十三，得票十五。

金瑞書，字擷芹。居元號十二圓。年五十九，得票十三。

趙同福，字梅生。居問號八圖。年五十四，得票九。  
汪汝翔，字鴻卿。居盛橋。年七十，得票八。  
李思旦，字蓮生。居問號八圖。年四十六，得票八。  
趙琛，字樓生。居元號十二圖。年二十九，得票八。  
楊利川，居有號七圖。年五十一，得票七。  
趙政平，字泰祥。居元號十二圖。年二十五，得票七。  
嚴國衡，字亦喬。居元號十圖。年五十，得票四。  
民國元年五月三十一日自治公所改選職員。

### 議員

汪湛恩，字玉堂。居盛橋。年四十九，得票五。  
李元善，字吉生。居有號七圖。年四十，得票五。  
嚴國衡，字亦喬。居元號十圖。年五十二，得票四。

### 議長由議員選出

正議長金瑞書，得票六。  
副議長趙同福，得票五。

### 董佐由議員選出

鄉董楊逢時得票七。  
鄉佐嚴鳳鍾得票五。

### 未滿任議員

汪汝翔  
嚴式曾  
趙政平  
張步瀛，居元號十一圖。年四十九，得票三。  
正議長金瑞書  
王維明，字小谷。居元號十二圖。年七十，得票二。

副議長趙同福

李顯名，字振揚。居元號十一圖。年三十二，得票二。

鄉董楊逢時

鄉佐嚴鳳鐘

民國二年七月二十二日即陰歷六月十九日，由錢知事委學務科長吳邦珍監視改選董佐。

楊逢時連任鄉董。

趙同福當選鄉佐。

## 人 物 志 上 忠 節 孝 友 文 學 武 功 德 義

忠孝為立身之本，人能盡忠盡孝，里黨稱之，史冊褒之，誠盛事也。至於能文積學，吾道可傳；尚武建功，寇氛可息；他如衆善奉行，德義可貴；孤芳自賞，隱逸可風；藝術則小道可觀；游寓則名賢可法；若夫榮選輝楬百世流芳，而列女之幽光可發矣。

### 忠 節

趙信忠 居元號十二圖大村。軀幹修偉，精拳術。清咸豐十年七月粵匪由嘉定來，盤踞羅店褚家堰，盛橋設團練以防之。土匪朱茂昌勾連賊衆四出焚掠。十一月初四日，信忠與沈飛鵬、王鍾嘉等率團練千餘人，直搗羅店賊巢，賊遁去，遺棄輜重甚多，鄉民爭取，得物者四散。不料賊復率大隊到羅，勢如山壓，團練中可以禦敵者祇有十一人，相與謀曰：“今若退，

我族無唯類矣，不如扼要道以冀後援。”遂禦賊于楊家橋，奮力血戰，殺賊甚多。日暮援盡力竭，信忠、飛鵬、鍾嘉被殺，同時戰歿者趙之奇、張度、金茂廷、王曙明均入祀昭忠祠。光緒間，里人于楊家橋北垵置田數弓，識以碣曰“海濱七義士殉節處”。十九年，瀏河朱某捐建七義祠。參用月補、羅店里志。

**趙之青** 字也春。國鈞次子。幼承庭訓，明大義。及長，習拳術。會團練事起，之奇磨厲以須躍躍欲試，遂與族兄信忠擊粵賊，衆寡不敵，中槍死，年二十四。妻陳氏，見《列女傳》。

**張度** 本姓王，字金貴，出繼大村張姓家，後歸宗。有勇力，與衆共擊賊，亦死於楊家橋。

**金茂廷** 居間號八圖金家宅。趙信忠之女夫也。喜習拳術，得外舅指授，藝益精。初與粵賊戰，手刃數人，俄賊麇集，外舅知勢不敵，促塔行，茂廷不忍去，遂與同殉，年三十八。

**王曙明** 居間號八圖田塔宅。有口辯，說土匪朱茂昌降，茂昌不從，遂與賊戰，力盡亦被殺。

**沈飛鵬** 原名方諧。居羅店四房宅。八品職銜。精拳術。咸豐十年十一月粵逆竄四鄉，飛鵬率衆力敵楊家橋，賊不得渡。頃之衆潰，賊大股飛渡，四面攻圍，飛鵬持刀力戰，刀柄忽折，中傷僕地，賊斫其首，弗殊。越日收其屍，面如生。詔贈國子監學錄。子蔭襲雲騎尉。見《舊志》

李爾玉《移居記事》之一：燎原秦火不堪論，何處桃源有洞門。小住倚人遮破壁，忽驚禦寇約前村。黃梁易醒勞人夢，碧血誰憐義士魂。收拾行囊思脫險，此身以外幸無存。

**王鍾嘉** 字孔侯。幼有異稟，讀書能文，學拳法于舅氏嚴

某，得其傳。咸豐十年五月賊陷嘉定，鍾嘉濟約同志成一旅，旋復散去。會隣村沈飛鵬等糾集千人屬鍾嘉統之，掩賊不備，焚其巢，殺賊數人。十一月擊賊楊家橋，中槍死，年僅十有七，里中私謚曰慧烈，嘉定張浩誌其墓。見《舊志》

**錢朝棟** 字書岩。居盛橋。性孝，授徒東錢村哲夫家，館課極嚴，時在暗中涕泣曰：“吾不能盡晨昏定省之禮，何以自安？”年十三應童子試，前輩目為神童，奈數奇先後試十六次，未獲一衿。咸豐十一年四月二十四日粵逆竄盛橋，掠其家，隣人皆逃匿，朝棟因父病不能離。賊縛其父，將殺之，朝棟再三注告獲免，賊促朝棟行里許，堅不肯往，遂被殺於顧涇河，年三十八。見《月補志》

**趙之秀** 字少春。國鈞長子。八品銜。同治元年四月二十日，粵逆由太倉南下直犯邑城，官軍敗之，賊分竄北川沙，被執，脅之降，不從，遂遇害。補《舊志》所未詳

## 孝 友

**楊駿翔** 字楚珍。居元號十二園楊村。國學生。幼以孝友稱，事親能盡子道，兄弟析產，自齋而豐于兄，鄉黨矜之。負經濟才，見機明決，料事如神。屢赴鄉闈，薦而不售。乾隆三十一年七月卒。同邑印憲曾撰祭文，見後《文徵》。子天錫，邑庠生，見《文學傳》。

**趙維寧** 字德修。居大村。兄弟三人皆村農，古樸，獨德修能明孝弟之義。父卒時，仲弟學敏年方齒齠，季弟席珍尚在襁褓，德修一一體先人之志，俱讀書有室，然後將田產均分，毫無私意，里黨稱之。乾隆五十年十二月卒。子三，長拱玉、次

序玉、季崑玉。邑人范觀海撰傳，見後《文徵》。

楊念莪 字正羣，一字小亭。駿翔曾孫。性和易，沉靜簡默。習舉子業，作文不屑隨風尚，以是阨童子軍。旋有疾，絕意進取。事祖母施、母龔均極誠敬，祖母卒，喪葬如禮，後值歲大侵，嘗節己飲食以奉母。雖與故胞兄政樹之子世英、應甲分，皆當輪膳，而念莪以爲膝下供子職者在己不在姪，遂獨任焉。道光八年六月卒。荆谿儲榮祺撰傳，見後《文徵》。

## 文 學

楊天錫 字洪九。駿翔子。幼承庭訓，後從同邑印憲曾遊，補諸生。博聞強識，著《讀史日記》，早世，未卒業，士林惜之。

王 俊 字樹德，號馨甫。居元號十園施家宅。諸生。工書，尤善擘窠大字。授徒里中，循循善誘，遊其門者輒掇科名以去，遠近爭聘之。卒年五十二。

曹文雄 字蓮舟。居元號十園曹家宅。天姿穎異，從同里王俊遊，俊奇賞之。以縣元補博士弟子，羣推爲遠到之材，奈數奇齋志以歿，年三十一。

王文炳 字萬人。居元號十二園陸家橋宅。父理堂，字家相，爲人正直，遇里中公事，輒竭力贊襄。延同族朝綱在家課兒輩，歷數載禮貌弗衰，其尊師重傅如此。文炳品學兼優，性拘謹，每以小試不得志，鬱結于中致成癩疾。光緒七年，黃學憲案臨太屬，勉強應試，入場後精神煥發，文字迥異平時，遂于是科入泮。次年舉一男。後竟以癩疾卒。

## 武 功

嚴大顯 黃窰里人。父初無子，聞浙江有神，禱輒應，渡海求之。颶風飄別島，島無人，祀草野穆夏神像四，皆身披金甲，威靈懾人，父心動，再拜以禱。期年，生大顯，字以仲生。已連舉三子，大年、大成、大偉，悉以神號次第字之。最後舉大邦，曰小乙。五人生而健勇，大邦兼多謀略。嘉靖三十一年倭犯寶山，是時，寶山城在江東。過黃窰鎮，五人計曰賊可擒也，乃邀其歸路擊之，賊敗入海。知縣萬思謙命大顯等領兵勦賊。時同知任環得五人大喜，呼之曰嚴家兵，與之提兵往來。環嘗夜追賊墮溝中，馬不能起，會五人至，賊散，大偉負環疾走，前阻河，橋已撤，一躍而過。三十二年賊大至，攻太倉，幾陷。旋據吳淞，掠月浦，燬羅店，薄邑城，大顯等戰東門，乘風縱火，追至青村，敗之五里橋習家墳，賊始遁。既自柘林分道寇崑山，偪蘇州，大顯等擊之真義，誤聽嚴鐵塘，效背水法以敗。參將翁大立大怒，將行軍法，適環自華亭來，力請得免，更勞以酒，曰“吾兒無恐”。復戰，賊敗入太湖。三十三年賊陷崇德，北犯蘇州，巡按檄環及總兵俞大猷夾攻之。四月，嚴家兵邀之盛墩，斬首三千級，戰泖河，斬首七千級，戰瀟上，斬首八百。時賊存者約二千餘人，復自崑山趨蘇州，五人血戰閭門外，賊大敗，引去。獨有八十三人自號無敵，探掠西上，抵南京，復窺太湖。五人邀之水口，賊復入湖，焚劫洞庭兩山。大年使一人入賊為鄉導，引至木瀆水絕處，五人從後擊之，無一脫者。督撫奇之，欲奏請授職，固辭，歸故里。三十四年，知縣楊旦夾江東立十三寨，江以西六寨令五人分領之。賊有名馬賊匹繫海上，

近之輒人立而蹤，不能制。大成欲往取之，賊聞之喜，以爲往必遭蹶，聚而觀，大成蹋鬃直上，晝驅以歸，賊大駭，及渡川沙，橋高數仞，馬不肯渡，大成挾馬直趨而過，賊益大駭。自是，不敢近寨，境賴以安。三十五年賊復大至，自吳淞江寇松江，而以寶山爲巢穴。官軍屢敗，仍檄五人移師往擊賊寶山陽，賊敗登山，時官兵數萬、將帥數十人相視不敢發，大邦獨從山後潛上，手斫七人，大顯等率諸軍繼進，賊大潰，斬首數十級，生擒百餘人，督撫益喜，重賞之。時青兵、沂兵稱饒勇，然遇賊屢北，僧兵、狼土兵雖屢捷，亦時斃，獨嚴家兵提槍大呼，東西馳擊，或陷陣出其背，兄弟五人相救如左右手，賊見嚴氏旗輒遠遁。環每見五人戰勝，必懸殊賞，呼之曰吾兒，與同飲食卧起，故能得其死力。嘗慰之曰：“吾始以同知領兵，與若兄弟枕戈擐甲有年，陞任僉事，追級副使，吾功皆若功也，若兄弟雖不願仕，終當奏聞天子，使知海濱有虎臣耳。”五人拜謝曰：“吾等感激知遇，誠奮不顧身，即戰死亦甘瞑目。今者不自意屢勝賊，前後賞賜逾量，安敢望爵？且吾聞爵易拘人，俟海不揚海波，從明公嘯傲海上，亦安所事爵？”三十六年，環以寇平請終，制詔加山東參政以歸，旋卒。自是，無復有能用五人者。既倭黨仍出沒江海間，臺司檄大年、大邦守嘉定，大顯、大成、大倅守常熟。邑俞某本王艮餘黨，潛通倭，大顯請除之，知縣黃應嘉不許，出而有所私議，應嘉聞之大恨。會大盜發部中，應嘉疑其所使，羅織成獄，大顯等嘆曰：“吾儕提兵百戰爲國家出死力，不料今爲獄吏所困！”手足一舒，械繫俱裂，因痛飲自縊。大年、大邦聞難痛泣，棄官歸，然性强悍，卒鼓衆怨。萬歷初，應嘉備兵蘇松，下車首訪嚴氏，強大狀怨家，復陳諱言事，大年

謫戍道死，大邦及兒子星門俱坐斬。臨刑，星門泣不已，大邦厲聲曰：“吾與若父殺人多矣，能無及此乎！”乃慷慨就戮。同邑馬元調撰《嚴家兵傳》。黃窰里人立祠祀之。按：黃窰鎮已坍入海，今石洞北嚴氏聚族而居甚盛，海三官堂及觀音堂內俱塑像曰嚴家五虎將。

嚴九皋《嚴家兵》詩：男兒立身當衛國，不責區區弄文墨。鄉里小兒立戰功，愧殺廟堂真肉食。憶昔有明嘉靖年，倭寇公然入疆域。斫人頭骨爆竹聲，十室九空盡逃匿。此時不有嚴家兵，東南半壁幾傾側。嚴家五人奉天神，草野穆夏骨嶙峋。儀冠魁偉智勇備，五弟小乙尤絕倫。山西任公失志憤，虎帳時與五人近。青村盛墩泖河捷，醜類兔奔半蓬粉。寶山一戰更突兀，賊趨海墩據聚窟。此日官兵數萬人，錯愕相看莫敢發。先登卻讓少年人，一以當百士氣伸。當時若無鉅鹿戰，千古奇勳君獨擅。功成長揖歸里閭，拂衣不應馮唐薦。明季紛紛獄吏尊，任公老去泣幽魂。脊令聲斷荒原暮，荆樹花殘夜雨昏。英雄到頭終戰辱，悉空羅織成冤獄。五人高舉竟如斯，誰謂勇餘智不足？君不見狡兔死兮走狗烹，古來豈獨嚴家兵。

沈學淵詩：滄波撼地羣山壓，搏桑日射黃金甲。犛神夜遣五丁來，吉帛成龍怒穿骨。海鄉一夜風鶴驚，率彌呼女能弄兵。雕青惡少健身手，烽烟直照吳淞城。爰居飛來鼠奔竄，荒荒百里無春耕。兀然嫚罵公等怯，棄我邑里將安行。義旗一麾天地變，叱咤如雷目如電。獨據墮地場黃巾，刀劍橫空飛白練。一家團練出奇兵，今日方能

背城戰。其時典兵有任公，開門長揖論軍功。腹心願作臂指使，張我表海泱泱風。從此枕戈身許國，草莽三歲仍伏戎。鱷魚掉尾齊告警，兩軍始過青村東。戎馬旋潭車陷潭，慶邸大號公絕叫。夏生倉卒負公行，敵騎如風追不到。惡漢前阻十丈強，一躍雙馳玉女笑。頻年轉戰川沙橋，青天半壁虹閣高。駿馬礮蹶折其足，穆生怒作魚龍跳。左手扶人右扶馬，清風兩腋凌雲霄。草生野生亦沉鷺，拔戟一隊當前茅。小乙年少尤健絕，往往赤手禽渠梟。骨肉禦侮首尾應，長子弟子皆人豪。歸來揮甲氣磅礴，莫憑汗血分珠爵。但求瀕海靖烽烟，弟兄儘有四圍樂。軍中司馬返故林，布衣從此無知音。白日慘淡塵蔽野，銀鑄索之都成禽。河山百戰事如昨，相背愁殺韓淮陰。不死鋒鏑死羅織，吏胥側目大理瘖。嗚呼！天生將材頗不易，節鉞未膺聞外寄。鄉閭保障亦奇功，綽楔先當表忠義。豈知填海本冤禽，銜盡人間不平事。君不見，王江涇頭張尚書，凱歌聲裡微囚車。又不見，浙壑關前曹巡撫，捷音一奏丞相怒。何況吾儕是小人，區區戰功何足數！舉頭天外悟前生，插脚人寰無樂土。至今海國餘荒祠，英風蕭颯吹靈旗。潮聲夜打空城脚，一片銀濤白馬馳。

### 德 義

金世琮 國學生。居盛橋西十圓角家。素封，喜善舉。歲饑，捐貲助賑，邑令高獎“成均起鳳”額。

### 分縣以後

**錢士林** 居盛橋。宅旁顧涇淤塞已久，士林倡捐協濟，農商稱便。性好善，至老不倦。屢與鄉飲。清雍正九年，邑令傅景奕、儒學于星焯詳請各憲給“善善堪風”額。

**李素** 字天佑。有中人產。慷慨好施。雍正十年潮災，民廬漂沒，出貲掩埋，復置田作義塚，遂於是年登鄉榜，人以為修德之報。乾隆十九年七月卒，年七十三。

**汪元度** 字御天，號樸庵。諸生。居元號十一圖汪家宅。性好施濟，凡遇賑饑、清河一切善舉，輒勉力從公。子汝照，字鏡南，號閩仙。諸生。績學早逝。

**金授時** 居元號十二圖大村。輕財好施。嘉慶七年歲稔，捐金助賑，總督鐵保給“解推雅誼”額。

**陳士梅** 居間號八圖陳家宅。家饒于財，好施與。歲歉議賑，捐款協助。嘉慶十九年，總督鐵保給“義重相周”匾。

**錢澍** 字汝霖，號漁莊。諸生。居盛橋。有膽識，見義勇為。嘉慶十九年亢旱，農民偷開顧涇壩面土塘引潮入內，邑令詳辦逮捕，居民懼罪逃匿他鄉，十里內無烟火，澍與潘惇庸、王丕績等聯名具稟各憲籲懇建築石洞，卒如所請，至今賴之。

**申志剛** 字宗績，號醉霞。芝芳後裔。世居申家樓。父景福，業儒，早卒。母李氏。志剛生纔數月，同族有謀害其母子者，李氏知之，置兒楮中以出，畜于元十一圖徐家橋外家，遂家焉。志剛性穎悟，讀書過目成誦，未弱冠補諸生，旋食餼。道光十二年壬辰歲貢。游其門者多成名。性好義舉，道光三年同嚴洲、趙世亨等與月浦分廠，遇有益地方事，無論鉅細，盡力為之。卒年六十餘。子爾和，字槐卿。諸生。能繼父志。

嚴洲 字瞻決，號瀛仙。諸生。居元號十一圖嚴家宅。家饒于財，築華屋數楹，與親朋讌集縱論古今，灑如也。尤好施與，道光三年水災，與月浦分廠煮粥賑饑，創捐鉅款，至于築塘、濬河等事，罔不慷慨解囊。卒年七十。子械，字作琴。承先人之志，雖家道中落，遇公事猶能竭力贊襄。卒年六十餘。

王應辰《輓嚴瀛仙》：年來頻悼故人亡，隱覺余心已大傷。舊雨動多歸地府，知交有幾付闕王。生因遠隔逢猶偶，死出平空別竟長。泛此釣魚臺下望，畫圖雖在媿虛堂。按：瀛仙仿嚴子陵《垂釣圖》一幅。

憶從蔣徑問嚴灘，山斗初來幸識韓。桃李兩栽原一手，菊梅殊候爲分看。忘年交比隨行雁，作室心如相宅鶯。華屋尚存人已故，那堪回首詠斯于。

羅陽東去月谿西，賴有先生一枚藜。青草久淤南浦路，黃金爲擲北沙堤。哀鴻共望滋秋稼，猛虎誰憐病夏畦。太息文襄成畫餅，九原心事尚雲霓。

春風童冠溯前游，曾佔滄江第一樓。壯歲駒光分稼穡，中年蝶夢半箕裘。鯉庭家學謀詒燕，鶯谷文章伴集鷗。忝共詞壇執牛耳，茫茫何獨我生浮。

雅誼重重說舊因，不才曾是在門人。西嚳逆負來遊筴，東海先迎入座春。五月薰風披野草，一天梅雨散池蘋。機緣畢竟難爭命，圖報偏爲未了身。

少年得意使高歌，絲竹聲中費揣摩。老輩風流曾有幾，後來雲集況無多。黃梁已付長眠枕，青眼終留未止戈。公謝杖朝懷欲艾，不知今後世如何。

小集師門記雪鴻，行雲流水並匆匆。何期兩夕傾談